

Forsa Naval EUA SEABEE halo rotativa komandu iha Timor-Leste

Dili – Forsa Naval EUA Seabees mak sinál vizivel ida iha kooperasaun EUA ho Timor-Leste dezde 2009. Sira nia servisu kontinua la ho pauza ruma tanba grupu ida hakotu sira nia servisu ida seluk troka hikas kedes mai iha Timor-Leste. Forsa Naval Konstrusaun Movel Battaliaun dhaaat (NMCB4) ofisialmente hakotu sira nia servisu iha loron 9 Abril 2018 no NMCB5 hahu kedes sira nia servisu iha loron ne’ebé hanesan. Iha serimonia rotativa komandu ne’ebé halao iha Camp Lenhoff in Dili, Komandante NMCB4 Tenenete Daniel McCarthy entrega komandu ba Komandante NMCB5 Tenente Gafar Odufuye. Embaixadora EUA ba Timor-Leste Kathleen M. Fitzpatrick hateten katak NMCB5 sei “kontinua misaun kooperasaun no dezenvolvimentu atu hametin liu tan relasaun entre Estadus Unidus no Timor-Leste.”

Iha fulan ne’en nia laran, Seabees kompleta ona projetu infrastrutura tolu. Hamutuk ho Forsa Expedisaun Mariña III, Forsa Defeza Australia no F-FDTL, Seabees kontrui ona postu saude iha Sidara iha Matebian Baucau iha fulan Novemburu 2017 nu’udar parte ida husi ezersísiu trilateral enjinaria ho Timor-Leste no Australia hanaran ezersísiu HARI HAMUTUK ba dala-17. Postu saude ne’e sei oferese tratamentu saude ba ema besik 16,000. Seabees mo’os konstrui ona sala tolu, fasilitade edukasional ba eskola primaria iha Liquica iha Janeiru 2018. Estudante besik 1,800 hetan benefisiu husi spasu foun ba apredijazen, fatin saudevel no kondisaun seguru ba sira husi eskola ne’ebé antes ne’e ho kondisaun a’at. Seabees mo’os kolabora ho F-FDTL no voluntariu lokal kompleta ona konstrusaun sentru saude Uma Kaduak iha Marsu 2018. Fasilitade ne’e oferese assesu ne’ebé diak liu tan ba tratamentu saude ba ema 3,500 ne’ebé hela besik iha area Uma Kaduak, Manatuto.

NMCB5 lakteur tan sei halo lansamentu fatuk inan ba EBC Fatumeta, inisiu husi kapítulu ida tan husi servisu makas Forsa Naval EUA nian iha Timor-Leste.